



Patricia A. Winston, MS, RN, NEA-BC, FACHE
Interim SVP and Managing Director
University Hospital of Brooklyn

26 jen 2020

Konsènan: Nouvo Règ sou Restriksyon Vizit

**YON MESAJ POU PASYAN AK FANMI NOU YO KI NAN
UNIVERSITY HOSPITAL OF BROOKLYN**

Mèsi paske nou chwazi University Hospital of Brooklyn (UHB) pou satisfè bezwen nou nan zafè swen sante. Nan UHB, nou angaje nou nan sekirite pasyan, anplwaye ak fanmi nou yo.

Pou nou pwoteje tout moun kont transmisyon kowonaviris la, nou aplike plizyè mezi sekirite jan Depatman Sante Eta New York (State Department of Health, DOH) ak Sant pou Kontwòl ak Prevansyon Maladi (Centers for Disease Control and Prevention, CDC) rekòmande sa.

Nou kontan pou nou rekonèt enpòtans kokennchen wòl pwòch yo jwe nan maladi a ak pwosesis retablisman an, epi nou vle agrandi avantaj sa a nan yon manyè ki kontinye garanti byennèt ak sekirite tout moun.

Zafè vizit la kapab prezante yon danje pou pasyan ak vizitè yo. Kidonk, nou ankouraje oumenm ak fanmi ou konsidere lòt metòd kominikasyon yo, tankou telefòn oswa FaceTime, imèl oswa mesaj tèks oubyen kèk lòt sistèm mesaj videyo.

A. Pasyan ki Entène yo:

Yo otorize tout pasyan ki entène yo gen yon (1) vizitè alafwa pandan yon total kat (4) èdtan ant 12:00 PM rive 8:00 PM chak jou.

EKSEPSYON pou Pasyan ki Entène yo:

- Tout pasyan ki pozitif pou COVID yo:** Yo pa p otorize OKENN vizitè sof pou tranche ak akouchman, pedyatri, ak sitiasyon pou mete fen nan lavi.
- Pasyan ki nan sitiasyon pou mete fen nan vi yo:** yon (1) vizitè alafwa; yo pral fè konsiderasyon espesyal pou moman vizit yo.
- Pasyan ki gen andikap entèlektyèl/devlopmanal yo:** yon (1) vizitè alafwa; yo pral fè konsiderasyon espesyal pou moman vizit yo.
- Sèvis pou Manman ak Timoun:**
 - *Tranche ak Akouchman:* yon (1) yon moun pou bay sipò ak yon (1) doula alafwa san restriksyon nan tan
 - *Aprè akouchman:* yon (1) moun pou bay sipò ak yon (1) doula alafwa soti 12è PM rive 8è PM
 - *Inite pou tibebe ki fenk fèt:* yon (1) paran/responsab legal alafwa soti 12è PM rive 8è PM

5. **Pasyan pedyatri yo:** yon (1) paran/responsab legal/moun pou bay sipò san restriksyon nan tan.

B. Operasyon ak Pwosedri Menm Jou yo:

Pasyan ki ap sibi operasyon ak pwosedri menm jou yo ka gen yon moun avèk yo nan etablisman an. Moun sa a ka rete avèk pasyan an pandan premye pwosesis admisyon an; li ka vin jwenn pasyan an ankò pou pwosesis egzemat la. Vizitè yo pa ka rete nan lopital la pandan pwosedri a ak moman pasyan nan sal retablisman an, sof pou zafè pedyatri, akouchman ak pasyan ki gen andikap entèlektyèl, devlopmantral oswa lòt andikap koyitif yo.

C. Randevou pou Pasyan ki pa Entènè (Suit):

1. Yon (1) vizitè pou pasyan ki gen andikap entèlektyèl/devlopmantral/koyitif.
2. Yon (1) Paran/Responsab legal pou pasyan pedyatri yo.
3. Yon (1) vizitè pou granmoun ki gen andikap fonksyonèl. Pasyan sa yo bezwen pou yon lòt moun ede yo soutni kò.

Tout vizitè yo DWE:

- i. Gen 18 lane oswa plis.
- ii. Depiste pou lafyèv ak nenpòt lòt sentòm ki gen pou wè ak COVID-19, oswa pou wè si yo te an kontak ak yon moun yo jwenn ki gen COVID-19. Yo p ap kite vizitè yo antre si yo gen sentòm COVID-19 la avèk lafyèv oswa san lafyèv.
- iii. Byen lave men yo anvan yo kite yo antre nan lopital la.
- iv. Metè yon mas pou figi oswa kouvri figi yo toutan ak nenpòt lòt Ekipman Pwoteksyon Pèsonèl (Personal Protective Equipment, PPE) ki ka nesèsè ak espesifik pou pasyan an.
- v. Respekte prensip distans sosyal la pandan vizit la.

Si ou gen nenpòt kesyon, tanpri rele Biwo Eksperyans Pasyan (Office of Patient Experience) nou nan (718) 270-1111.

Mèsi pou konpreyansyon ou ak kowoperasyon ou.

Patricia A. Winston, MS, RN
Interim SVP/Managing Director

PAW/ba